



Sud BiH donio rješenje

# Automafijašima ponovo produžen pritvor

Pritvoreni Sreto Pajić iz Istočnog Sarajeva i Zoran Mirjanić sa Sokoca

Sud BiH donio je rješenje po kojem se za još mjesec produžava pritvor Sreti Pajiću iz Istočnog Sarajeva i Zoranu Mirjaniću sa Sokoca, koji su uhapšeni u akciji **SIPA-e** na području Sarajeva, Istočnog Sarajeva i Sokoca. Pajić i Mirjanić osumnjičeni su za organizirani kriminal u vezi s krijumčarenjem, teškom krađom vozila i iznudom.

Oni se, naime, sumnjiče da su članovi grupe za organizirani kriminal, koja se bavila krađama vozila na području Kantona Sarajevo.

*Krali vozila na području Sarajeva*

Ukradena vozila su preprodavana trećim osobama ili je za njih tražen otkup od vlasnika. Njima dvojici je i ranije produžavan pritvor, i to zbog bojazni da bi boravkom na slobodi mogli ometati istragu skrivanjem dokaza i utjecajem na svjedoke ili saučesnike, kao i bojazni da bi boravkom na slobodi mogli ponoviti krivično djelo. Pritvor po novom rješenju može trajati do 24. avgusta ili do nove odluke Suda, saopćeno je iz ove pravosudne institucije.

**B. C.**